

建始縣志卷目

卷之上

星野 附疆域山川形勢

口

田賦

職官

附名宦

祀典

廟壇 寺觀

學校

附選舉

卷之下

武備

塔舖

建置

城池 倉廩 衙署 閘梁

貞節

風俗

產

穀蔬 果藥 材木 鳥獸

文

文詩

建始縣志卷之上

星野志

星野之說後世言灾祥者多宗之始實濫觴於左氏傳中其理非無稽顧往往言人人殊而離析乖隔靡有折衷建之爲邑舊志所謂翼軫分野者豈篤論歟爲考辨而更定之而疆域山川形勝附焉志星野封域皆有分星其說見於周官或繫之北斗或繫之五星要其可驗者十二辰所屬而已建始分野昔人解以翼軫此殆緣唐書天文志自房陵白帝而東之說也竊思白帝之東謂鄖郡羅巴江陵峽歸驪邛等處則然謂建始則不然建在夔南而以位乎東者配之野之不定星何由而準耶即翼軫屬楚亦大概言之如德安府之隨州襄陽府之均州光化實居張分何有於建長沙府應軫旁之小星長沙故曰長沙且不得統以翼軫分又何有於建建本蜀地揚升菴成都省志曰綿州背分合州參井分餘皆井鬼分前明天文志引以爲斷是時建尚隸蜀則井鬼之說從長即今歸楚又豈得以翼軫例之耶矧一爲鶉首之次

井九度至柳三度也一為鶉尾之次張十六度至軫九度也部署分明烏心錯置或謂翼軫之分蜀不得以混楚井鬼之分蜀胡為而附秦不知秦可該蜀談天文者若孔賈馬鄭諸儒皆合併為言况蜀之名至秦誓而始見而鶉首為雍梁二州實分一宿僧一行固已言之鑿鑿且星有兼及者彰德渾源境分豫晉而昂畢同垣彼與此不必分也青萊膠登悉屬齊疆而虛危判舍彼與此有必分也即以翼軫論鬱林合浦暨黔安之左其光輝所被詎得泥遠近之見以相衡哉縱謂吳越南而星紀在丑魯東而降婁在戌秦西而鶉首在未趙北而大梁在酉亦有相反而相屬者但此以主祀言非因分國始有分星州伶鳩之議鄭漁仲已辭而闢之矣載稽西法列宿七十年有奇退一度退則移宮信如西法亦必二千一百餘年而宮始移豈有置目前之星象不論而懸擬二千一百餘年之推遷且安知其所移者何宮而顧以翼軫當之耶其亦謬悠之甚矣又疑蜀楚之交為井鬼之十二度終而翼之十度入歷考星野雖壤地相錯皆

不紀餘分謂逾建即翼之分野可也謂楚蜀之交翼與井鬼會不可也夫翼主三公軫主宰相昔賢謂非一郡一邑之占持論固均於墟然惟有定野斯有定星有定星斯有定度星度定斯微應不清建之為野梁州之域也其星井鬼也而度則鬼也合史志觀之明白曉晰無可疑者雖井宿中之軍井十三星今祇存五鬼宿中之外厨六星今亦祇存五而其宿固懸象而著明焉

疆域

漢巫山地晉置建始縣後周改業州隋廢州以縣屬清江郡義寧初復置業州唐貞觀中降為縣屬施州宋元仍舊明洪武時改設施州衛遂以縣屬四川夔州府

國朝因之乾隆元年湖北改施州衛為施南府撥建始隸焉縣在府東北一百二十里東至宜昌府巴東縣界一百六十里土地嶺分界東南至鶴峯州二百九十里虎鷄嶺分界南至恩施縣界三十里龍駒河分界西南至恩施界十五里貓兒坪分界西至恩施縣界

三十里麂子渡分界西北至夔州府奉節縣界八十五里三角椿分界北至夔州府巫山縣界一百二十里大石嶺分界東北至巫山縣界九十里柳蓮荒分界

山川

祿山治東十里土人呼為羊毛頭

州基山治東三十里俗呼棉花坭相傳為舊業州

銀山治東三十里石壁陡峻色白如銀

石乳山治西二十五里山谷業州山行詩石乳濺如

沫疑是龍駒噴亦奇觀也明史地理志建始縣西有

石乳山產麩金今不復見

文治山治南五里形似筆架即龔家巖

猿啼山治西二十五里上有雲霧觀

連珠山治西南十里即朝陽觀來脉

當陽山治北四十里有一巖日光映之故曰當陽旭日

縣前河源出治西北當陽坭上為奉節界羣山崢岷

隱蔽天日泉從山罅懸注而下俗呼為洪巖大漂流

漸遠羣水湊之遂成河經龍門子晏公潭由縣城西

南行遠城東有小河自馬欄溪入之又東二十餘里

與兩溪河會下為馬水河

兩溪河在縣之北自蒲潭溪折西北流有桐木溪自

西來會又南有木瓜河會二水自西北來故曰兩溪

亦名兩會口八景中所謂兩溪春漲也曲折東流與

縣前河會

龍駒河源出石乳關巫建兩邑交界舊志以為石耳

關河自石乳關來非是東流為太陽河經麂子渡下

始名為龍駒河又東流至大沙河下會南里渡入清

江大沙河即馬水河下流也至此則建邑西北之

水盡會矣

河水坪河源出治東望坪下名東路河始可濫觴流

三十餘里經三里坭河水坪

數里至鷹嘴觀山下山開豁若門水平流入之捕魚

者可循崖而進入稍深底下臨水懸注俗呼落水洞

人跡不能到矣水潛行約二三里自山南出與馬水

河下流合入清江河毛茸河源出治東龍潭坪南流

為枝津河下為毛茸河至巴東之桃符口入清江河

清江河出四川石龍關東山東南曲流百餘里又東

至忠孝司北有二水並來會北流至火舖塘伏焉北出於重山折而東又東數十里至恩施縣北境合龍馬河大河乾平溪諸水南流又東南折而東北經三分口塘施南司東鄉司北迤邐二百餘里又東入建始境龍駒河自西北來挾境內諸小水來注勢大盛建邑河皆淺狹多灘石罔施舟楫惟茲河可乘舩艇至長陽易以大艦過宜都城西北合西南來之漢洋河入大江自發源至此屈曲行八百餘里受諸縣水無數

形勝

朝陽觀在縣治西三里觀踞山巔山聳峻磴道隘而險徒步數憩始得上極目遠眺闔境諸山皆若培塿俯瞰縣城萬瓦鱗萃瞭如指掌洵可供人遊覽他山太高輒患枯竭而茲山頂水田冬夏泉源不涸亦一異也

石通洞在朝陽觀山下大山中空門當山巔穹窿如屋形入門左旋而上逶迤曲折可容數十百人洞頂豁開仰見天日他洞沮洳此獨燥他洞幽暗此獨明石壁鑿床遊人多攜飲具趺坐咏詩其上覺虛氛灼陽也壁間鐫涪翁二字畧可辨識相傳黃魯直貶涪州日弟嗣直令巫山來視因

遊斯洞故邑人詩多及之然洞中無山谷題咏也

石門在縣治東一百二十四一巨若砢礪下臨絕澗人穿石中右壁若左柱若上楣若儼然圓扉焉出門右石壁穹窿上覆如屋垂雷乾隆三十九年撫憲陳公因石壁作寺塑佛像前裝檣楫莊嚴幽奧疑自靈鷲飛來立寺外望隔岸白石如虎伏諺謂石門對石虎也兩岸側聳若相趨可超而越由西石折千迴而下踰澗復石折千迴而上約七八里而達澗底有石橋橋上有亭旁有石欄憩坐其中望兩岸懸巖萬仞烟霧迷漫林木陰翳仰視天光一縷泉濺濺亂石間令人骨悚魂驚殆別有天地非人間矣東岸上有廟名對佛寺四十三年三制臺創修供佛觀制宏敞與西岸寺俱稱勝境云

閩口在縣治南由縣城行百六十里有清江河河北岸山綿亘數十里疊嶂層巒峭壁懸絕猿猴愁度中有大石聳峙若門名曰開口出口僅一綫道左紆右折而下騎輿難施自口至河濱約十五里明季居人累木石於上以防賊犯

望坪在城東南距城百二十里建邑峯巒櫛比或數里

或十數里之平則曰坪如七里坪河水坪是也人行
山中偶遇夷曠則心曠開朗而茲坪境尤奇勝畦塍
毗連棕柳間映頗似江南風景坪中崛起石峯山脚
週圍不三里而岩堯直上霄漢外山環為垣墉中峯
則孤撐一柱也張淳友送王龜齡守夔詩有此行經
業州飽行峯一柱殆指此歟峯頂有廟有故明嘉靖
年間建碑

三角橋在縣治北八十五里為建巫奉三縣界山高
聳而北下尤峻崖石偃仄不能展步俯瞰虛空數武
一折地係至大溪負鹽通衢往來者莫不畏其峻仄也

戶口志

登天府而拜受民數顧不重歟建邑戶口其於

國初蓋寥寥焉際

四聖相承百五十年休養生息岷嶮迴叢之所烟村彌望
其他區寓抑又何如其極盛也志戶口

建始舊編坊郭大安長受景陽新隴永福華塘凡七
里明季流氛荐禍容美土司乘機肆虐華塘等里在
清江河以南皆被侵擾縣中絕人烟者數十年康熙二

十年後寇亂削平百姓復業者僅八十戶編坊郭里
餘里裁汰然新隴華塘遺老猶有能指其地者雍正七
年川湖兩省文武官弁奉

旨會勘定界建邑始復舊壤乾隆元年各土司歸誠向化
湖北始設施南府改建始隸焉編坊郭里一甲二甲
大安里三甲長受里四甲今之三即昔之七里也
乾隆二十年奉文清編保甲戶一萬六千有零丁口
七萬有零四十一年編查戶二萬四千有零丁口十
四萬四千有零近生聚益繁四十八年編查冊載三
萬五千七百四十五戶十七萬零八百三十六丁口

田賦志

賦出於田而茲邑介居深山其可為田者蓋少今太
平久而生齒繁建邑民人不憚宵晝作苦相攜其士
婦孺穉闢草萊刈荆棘以有此田也滕畦彌目課額
頻陞荷

聖天子德澤汪濊

恩詔頒布永不加賦建之民其尚踴躍輸將無虧正供是
則食毛踐土之所以仰答

鴻慈於萬一而亦守土者所藉手以告無罪戾也夫志田賦

舊志載明初徵糧二下四百石有零正德七年歲凶

民逃被容美土司侵佔由訴題請減去一半萬歷四

十八年造同板冊載糧一千二百九十六石內有八

十石係容美混佔即華塘永福二里之糧也明季寇

亂地無居人田盡荒蕪糧額全虧我

朝定鼎後民漸復業康熙六年清丈起至六十年止陸續

報墾任糧上中下田地共二百三十四頃九十一畝

六分零共載糧八十四石二斗二升零並丁條銀共

徵糧銀一百七十六兩三錢九分一厘

乾隆二年建撥屬楚省仍照四川例按畝徵銀不科

糧新舊田地共一千三百零三頃四十一畝一分二

厘共徵丁條糧銀七百五十二兩八錢九分五厘

乾隆十九二十三二十六二十七三十一三十二四

十三等年分陞墾額外田地三百一十頃四十三畝

三分九厘有零徵丁條糧銀一百三十五兩四錢四

分一厘又乾隆十八年恩施縣撥歸民屯田地除荒

糧荒銀外實在成熟糧一百二十八石五斗二升二

合額徵銀五十六兩六錢八分九厘丁銀七兩三錢

五分又乾隆四十三年分陞銀額外屯田十五畝八

分二厘有零該糧一石五斗七升六合徵銀七錢一

分丁銀九分一厘以上民屯田地原額並陞墾共徵

丁條糧銀九百五十三兩一錢七分六厘遇閏加增

銀五十一兩零三分二厘

職官志

山深林密地少夷曠民鮮土著俾入伊孔急哉濬建

邑田賦蓋不足供官矣

聖天子軫念民依不惜重費

國帑月俸有加設茲文武員弁以撫育此黎元也官斯

土者宜何如其兢兢自愛夙夜勤勵以無負董正治

官之

至意歟考前志名宦間有是守官供職之堪為師表也

志職官

知縣 始於前明共二十八人僅可紀其鄉貫

史 善 真定人 熊 珣 新淦人 雷 斷

段 顯 昆明人 熊 元吉 巴陵人 陳 奎

章度 常熟人 崇智 三長人 宋清 宜山人

伍文震 松滋人 裴思聰 陳允階 莆田人

李睦 梁促 湖廣人 曹琪 陝西人

譚朗然 茶陵舉人 張潮 增城人 曹自重 平定人

趙恕 貴州人 李思 福建人 顧天佑 雲南人

尹理 唐仁鱗 楊斯周 雲南人

儲乾 林廷輝 福建人 王世道 河南人

李占春 江西人

本朝左其選 發陵人 康熙三年任 譚性學 廣東人 康熙十二年任 祖建藩 遼東人 康熙九年任

宗芳 江南人 龍雲錦 廣東南海人 吳季芳 湖廣進士 康熙二十三年任

史晟 福建晉江舉人 李新德 山東舉人 武令謨 山西太原人 康熙四十年任

劉珙徵 江西臨江進士 趙烜 浙江貢生 王原圻 江南貢生

祖永繩 鎮江紅橋舉人 武怡 陝西臨潼舉人 范汝軾 河南進士 乾隆五年任

鄭晉 福建舉人 尹可謨 廣西拔貢 陳愷 湖南舉人 乾隆六年任

卞岱 鎮江黃旗舉人 余本 廣東嘉應舉人 譚世選 貴州應江拔貢 乾隆九年任

嚴錫統 浙江餘杭進士 陳爾書 貴州平遠舉人 何毓椿 貴州鎮寧舉人 乾隆六年任

劉永誠 江西南豐舉人 吳本 江西南豐進士 陳圖 江西廣昌舉人 乾隆三十八年任

錢江 浙江監生 吳冠賢 山西太谷舉人 潘鴻儒 江蘇桐城監生 乾隆四十二年署

孫曰秉 奉天進士 乾隆四十二年署 鄭世鐸 陝西長安舉人 乾隆四十四年任 陳瞻 陝西舉人 乾隆四十八年署

王良棟 直隸大興舉人 王維屏 直隸遵化州舉人 乾隆五十二年署 趙源生 河南許州府城舉人 乾隆五十四年任

朱鳴鳳 浙江海鹽舉人 王文獻 河南商邱縣監生 乾隆四十四年署 張鳳池 浙江紹興府屬山陰縣舉人 乾隆四十四年任

蔣遇春 浙江嘉興府直隸州舉人 張元德 山東原府徐溝縣舉人 乾隆四十八年任 呂應熊 陝西西安府舉人 乾隆四十八年署

羅洪鑄 四川瀘州合江縣拔貢 乾隆八年任 現任

縣丞 乾隆五十一年正月由來鳳大旺移駐建始大岩嶺

邵朝縉 浙江杭州府餘杭縣監生 徐逢甲 湖南長沙府劉陽縣舉人 乾隆五十二年十一月任 楊馥孫 浙江嘉興府平湖縣人 乾隆五十二年十一月任

張用 陝西西安府原州府屬五十二年代辦 人前 榕 江蘇直隸州府屬五十二年二月任

左振麟 浙江紹興府會稽縣舉人 李桂芬 浙江蘇州府屬嘉慶五年任 彭之材 江西袁州府舉人 乾隆七年署

馬國瑛 直隸涿州府永清縣舉人 魏繼鴻 江蘇常州府屬嘉慶十三年署 姚應銓 江蘇常州府屬嘉慶十三年任 現任

訓導 始設于雍正五年

賀元亮 四川廣貢 傅于位 四川廣貢 岳爾藩 四川廣貢 雍正八年任

鄒士堂 江蘇廣貢 許元淳 房縣廣貢 乾隆四年任 朱肅原 江夏進士 乾隆九年任

黃道達 安陸舉人 袁叙亨 公安舉人 乾隆二十四年任 段枝萃 沔陽舉人 乾隆三十四年任

江曾默 麻城舉人 李飛鳴 蕪水舉人 乾隆五十二年任 彭維運 德安府成安縣舉人 嘉慶二年任

劉本孝 漢陽府孝感縣舉人 唐德玉 荊州府監利縣舉人 嘉慶十五年任 現任

典史 始設于雍正八年

張景星 陝西人 朱淇祥 浙江人 錢照 浙江人

宋 漢 浙江山陰人 沈永慶 江西人 金 堂 浙江人

亢嗣基 山西臨汾人 王敬仁 四川成都人 沈 鈺 浙江嘉善人

袁 述 福建監生 方 和 浙江仁和人 趙承祖 江西奉新人

葉光國 江寧府上元縣人 施南府恩施縣人 張 煒 浙江紹興府山陰人

李 璉 廣東肇慶府德慶人 呂偉儀 安徽寧國府旌德縣人 沈紹棟 浙江紹興府山陰人

章 晟 順天府大興縣監生 陳鍾泰 湖州府德清縣監生 沈國鴈 浙江紹興府會稽縣人

把總 乾隆二年自巫山移駐 吳友政 黃國正

徐元功 王世龍 葉汝藩 巫山人

張 麟 施南人 余國佐 宜昌人 戴人鶴 湖南武舉

柳懋德 陝西舉人 康世龍 施南府恩施縣人 陳國安 宜昌人

龔宏基 東湖縣人 王 欽 東湖縣人 馬學湯 施南府恩施縣人

外委 賈光德 恩施縣人 龔宏基 東湖縣人

高宏虎 恩施縣人 賈光德 恩施縣人 龔宏基 東湖縣人

尹 魁 枕源縣人 名宦 宋明各一人

李庭芝 宋嘉熙四年權施州衛建始縣訓農教稼選

壯士教之期年皆知戰守無事則負耒而耕有事則

荷戈而戰宣撫使孟珙倣其法於所部行之咸淳中

為兩淮京湖制置使督師援荆楚德祐二年知樞密

院事拜右丞相赴援至泰州遇元兵戰敗不屈與其

將姜才死之史臣以比唐之張巡許遠云

譚朗然字子明茶陵舉人明嘉靖初任建始雖居僻

壤能不鄙夷其民悉心撫字勸課農桑時稱循吏

本朝左其選夔州府人建道兵亂人烟稀少公於康熙三

年領憑至夔州府接篆四年偕典史永德至縣境一

僕壑棘披荆共民出入者三閱月勞來安輯招回流

入賊營者數百人給以牛種務農殖穀民以少甦

吳季芳湖廣進士康熙二十三年以內閣中書補

建始前建始入學者少公修葺學宮多方訓迪二年

上著入學者二十餘名建邑人文由此始少少振興

矣入名宦祠

史晟福建舉人康熙二十六年選建始令時當兵亂

田畝荒蕪糧僅二十石零公廳俱草房公殫力經營

建瓦房以肅治體又重修學宮俾人知嚮學凡常平

義倉皆公所詳請增置也撫民招墾益賦八十餘石

治績蓋綽綽焉

武令謨山西進士留心民瘼培植人材邑人秦應光少孤且貧公奇其才命與己子共讀朝夕提命應光後舉鄉試任河南浙川縣令有循聲皆公之力也公於邑人士其他亦多所成就

祀典志

典禮重於天下而此圯祭享大抵弗克備物且喬臺少文矣顧不惟其文惟其意兢兢於陟降對越之節抑重念夫成民事神之非有兩途而凜茲昭鑒無得罪於百姓也豈惟廟壇秩祀靈爽式憑即佛寺道觀亦何莫非警惕人心之一助也夫志祀典

廟壇

文廟始在城西康熙十二年邑令譚性學改建治北二十四年吳令季芳重修之三十年史令晟復改於城西北隅四十六年劉令珙徵雍正十年武令怡乾隆十八年卸令岱屢經修補並建明倫堂於正殿之左三十三年嚴令錫紘又加修葺大抵皆因陋就簡不能堅固以圖久遠故未充歷三十年不傾頹者四

十八年冬署令陳瞻燧捐俸首倡重修諸士民踴躍

輸助正殿輝煌壯麗蔚然改觀餘亦將漸次修理現今

崇聖祠三間大成殿三間東西廡各三間戟門三間

東名宦祠一間西鄉賢祠一間左明倫堂三間外橋

星門泮池週圍墻垣俱全

武廟在西門內正街知縣余本詳請修理正殿三間

捲棚三間後崇聖祠前戲樓左右廊房現今完固

城隍廟在西門大街亦於余令任內重經葺治三殿

三間東西列十曹前建戲樓

玉皇閣治北門外

泰山廟治北門外

火神廟治東門外

三義宮治北門外

社稷壇在西門外演武場之左

風雲雷雨壇舊在北門外今與社稷同壇

先農壇在東門外雍正五年祖令永繩置買藉田四

畝九分建祠宇三間於壇後八年武令怡復修門樓

一座於壇前

戴陳觀 治西二十里

朝陽觀 治西三里

下堤觀 治北二十里

下堤寺 治北二十里

學校志

建始自宋元祐年廢器之以宏博魁天下迨後列科目者無幾學校人才久凌夷衰微矣而今乃寥蒙盛詎非我

朝人文化成之效歟抑更望司鐸之官與此邦人士共勉之也德行文章甲乙科之興本於學校故選舉附焉

志學校

建邑撥入楚省仍照原額文童歲科各入學八名武童歲考入學八名乾隆三十七年施南增設府學八名因將建學文額減一名歲科各入七名撥入府學各二名四十年府學復設武額四名建學武額減一名止入七名撥入府學一名廩額二十名增額二十名間年一貢仍舊

書院在縣署北名五陽書院以邑有建陽朝陽當陽

厲壇在北門外

文昌祠向即於五陽書院供奉文昌乾隆三十五年知縣陳璽書勸捐改建於東門外高阜之上久經傾圮乾隆五十六年前任知縣趙源生于故基修建閣三間圍牆大門俱全

龍神祠南門外

暨神祠在先農壇左

節孝祠在學署左雍正九年知縣武怡修正屋三間牌坊一座歲久倒塌乾隆四十二年訓導江曾默同

士民捐修

寺觀

石門佛寺 治東一百二十里

對佛寺與石門寺相對

普恩寺 治東一百里

祖師殿 治東一百八十里

鳳凰觀 治南八十里

雲霧觀 治西二十五里

鳳尾觀 治西二十五里

景陽巫陽也乾隆二十年知縣邱岱因文昌祠舊基勸捐建立房屋大小十間將餘剩銀及李七岬官荒地租銀作師生膏火嗣後知縣余本復捐湊銀兩買民李汝傑水田九坵並勸捐鄉民文常九水田基地一處每年共收租穀二十六石二斗

選舉

詹邈宋元祐二年狀元今銅鑼塢是其故里基址猶存有石 邱石象相傳謂即公墓

明于智 向進壽 向賢

于昇 向思經歷 李道兵馬司指揮

李仲傑州同 于德綱 王槐縣丞

向得第 向諫南 冉嵩

歐拔通判 黃連 龍友貴江訓導

黃一龍 向柏 徐試

石麟雅州學政 于調麟上海知縣 向聯第南川訓導

龍為正武進縣丞 李永春拔貢 劉應諭渠縣教諭

向門第

本朝進士舉人

陶仁明丙戌進士

洪日旦庚子舉人

江公葉己酉舉人

王壁己酉舉人 趙國望甲子舉人 陳憲丁卯舉人

李正華戊子舉人 譚獻策丙子舉人 秦應光康熙丙子舉人任河南滑州知縣

范述之乾隆丁酉舉人住江安縣教諭 侯華冕乾隆甲午武舉 田勇乾隆丁酉武舉

龍德元乾隆己亥武舉 袁若滌乾隆癸卯武舉 朱真玖乾隆壬子舉人

貢生

李含春 劉允達 李宗白

吳天弼 龍登榜 薛魁

吳震監利訓導 劉克宣圻州訓導陞東湖教諭 向孔璠

劉珣黃安訓導 黃大棟鄖縣訓導陞京山教諭 龍麟璫江夏訓導陞安陸教諭

孫華竹溪訓導 黃永光 龍麟瓊長陽教諭

王秉正 黃天佐 秦鏞

龍縉雲 于江選拔江訓導未任 黃道祥

向興 周炳 黃綱選監利訓導未任

向大昕 且啓鱗 吳鋼

冉鈺 朱文傑 劉曰枚

范佑聖 田春 譚帽

黃繹 劉珮 于興禮

文元琦	劉曰桐	于廷言
黃興岱	喻琳 <small>拔貢</small>	江如桂
易世則	龍綸鈞	龍澤江
謝瓊	吳正誼	冉興校
田衍廉	胡南杰	郭志元
于祖誠	王士峻	邱明新
秦廷瑒		

建始縣志卷之下

武備志

建始為楚西南邊末邑而地處萬山界連巴蜀蓋亦形勢控扼一重地也考營制之設始撥自巫山自存城介胄而外允衝要處所設置塘房汛兵專其責於城守貼防之營弁以統隸于施南協府其為備豫不虞計至深遠矣

國家承平百餘年而思患綢繆若此討軍實而申儆之小將弁豈得以兵革不作之日而遽忘守禦與至于舖遞之設雖于營制無關然其所建置亦皆孔道要隘雜還行人守土著時寄以詰奸之責則亦塘汛之屬之所可相連而及也志武備

塘汛

建始舊屬四川夔州府康熙年間分防守備一員兵丁一百名後改屬巫山營設把總一員兵八十名乾隆二年改隸楚省巫山分防官弁兵丁悉撥屬施南協管轄額設兵丁一百零二名四十二年添設石門汛外委一員分防塘兵共七十四名存城二十八名

計塘汎十七處

龍駒河塘

河水坪塘

火風口塘

林羊口塘

景陽口塘

清江堡塘

柴隴塘

紅沙溪塘

茶寮塘

上坦鋪塘

石舊驛塘

蒲潭溪塘

小坦塘

核桃園塘

石門塘

柴家荒塘

楊柳荒塘

鋪舍

前明規制簡畧僅有上坦萊頭二鋪其餘概未設立

國朝康熙二十年後始於縣城直東及東北等處由建通

巴巫路設鋪房六處直南及西南等處由建赴施南

郡城路設立鋪房三處東南及迤北等處由府赴巴

東路設立鋪房三處共鋪房十二處接遞往來公文

又青崖老龍洞等處為居民椒鹽要路險隘難行雍

正十二年知縣武怡捐俸修蓋草房以棲行旅立巡

役撥工食稽查私鹽從此奉平梟賊不敢竄入境內

此舊志所載今廢無存今鋪遞十二處計鋪兵三十

名每名工食銀六兩共銀一百八十兩按季赴司請領

縣前底鋪

龍駒河鋪

牛角水鋪進施南路

馬水河鋪

小坦鋪

乾溝鋪

石門鋪

連三坡鋪

箐口鋪出巴東路

羊背隴鋪

核桃園鋪

紅崖子鋪府出巴東路

建置志

設險守國則城治重蒞官聽治則衙署重貯穀備荒

則倉廩重禦暴利涉則閘梁重之數者之在建邑其

不足比于大都名邦也多矣然有其舉之規制罔替

百廢俱興之

朝即荒陬而可見一斑也志建置

城池

縣城前明正德初夔州府知府吳潛壘石為城週圍

五百五十丈計三里有奇後屢遭兵火倒塌殆盡今

東西門畧存基址西南城牆尚有存者城門四東曰

峻瞻星閣

邑文昌閣在東門外

西曰奇驕仙

蹤朝陽觀在西門外嶺最為奇峻觀內塑紫雲仙時著靈異

南曰雄帶

南關外有大小二河下流會合境內諸水

北曰秀接

北門外路通平山高山得比

衙署

縣署在城中央昔皆草房後漸易以瓦乾隆三年武

令怡請領公項增修三十九年吳令森詳請借廉重
修今頭門三間二門三間東西書皂房六間大堂三
間二堂三間住房三間廚房三間書房六間門房二
間圍牆共九十九丈五尺縣丞署在大巖嶺乾隆五
十年奉文修建五十六年冬請領現估銀兩旋即興
工閱本年秋季告竣

儒學署在西門內雍正九年知縣武怡訓導岳爾藩
暨紳士捐修大堂三間內廳三間廂房一間頭門三
間後周以土垣乾隆三十二年訓導段枝莘及闔學
生員復加修葺

典史署在縣署左舊係主簿衙基

國初裁汰雍正九年始設典史縣令武怡詳請動公項因
舊基修建衙署後復坍塌乾隆三十四年典史亢嗣
基捐資重修四十五年典史沈鈺復詳請借廉重葺
今天堂三間二堂三間住屋三間廚房二間廂房二
間衙皂房四間

倉廩

常平倉在縣署內右偏舊係典史衙基康熙五十五

年改造常平倉六間雍正九年增建五間貯穀四千石
石舊驛社倉一所現貯穀二百五十二石六斗九升四合

閘梁

- 建陽閘 治南二里 石門閘 治東一百二十里
- 野山閘 治東一百三十里 石乳閘 治西一百一十里
- 興隆橋 治南一里 通進橋 治北門外
- 指南橋 治北一里 宣化橋 治北門內
- 板橋 治北十里 烏龍橋 治北二十里
- 石門橋 治東一百二十里 毛茸河橋 治東一百四十里

貞節志

建邑顧未有士夫著稱者而女貞間著即其事實亦
闕有間矣守土者蓋不忍遽聽其湮沒已也因前令
武君節孝祀碑泐僅即其姓氏匹耦粗為次定將欲
訪松筠之遺蹟而音徽杳矣惟蒐討之無從徒臨風
以泝寫而其他賢士大夫功業文章磨滅而無聞者
抑又何可勝嘆哉志貞節

龍譚氏里民龍鱗金之妻

于黃氏廩生于天晟之妻

黃向氏里民黃大勝之妻

何李氏里民何允俊之妻

冉孫氏里民冉尔倬之妻

向陳氏里民向友乾之妻

楊于氏里民楊加秀之妻

黃向氏里民黃加隆之妻

王楊氏里民王端周之妻

向黃氏生員向孔文之妻

何向氏里民何其全之妻

黃孫氏里民黃興福之妻

喻高氏里民喻國仕之妻

向黃氏里民向登義之妻

吳湯氏里民吳洪泰之妻

楊吳氏里民楊君誠之妻

姚張氏鄉民姚耀廷之妻也夫亡矢志熊姓強欲娶

之因自縊乾隆三十六年題請奉

旨旌表給銀建坊坊在縣治南一里道左

風俗志

觀俗在野將辨其習尚之奢儉貞淫以施其激揚磨礪之術立政修教胥由此矣建雖僻壤而風俗可考顧惜手前成之多缺畧也博訪而詳誌之小夫女子家常鑽細罔有罅漏聊以當輶軒之采耳志風俗建邑風俗簡陋婚啓第以庚帖紅簽填註男女生年月日時而姓名行次不注往往有以此爭婚構訟者及至親迎奠雁廟見之禮亦不廢云喪葬多作佛事每逢一七之候輒延僧道誦經禮懺直至百日止即紳士之家亦往往有此

歲時伏臘間循古制亦多沿俗習清明之期前後三日家各造紙旗挿標祭掃墳墓士大夫之家有祠堂者先一日集子姪兄弟以序昭穆端陽佳節具蒲觴作角黍餽遺贈答來往如織時屆中元家家接亡魂封化冥祇備加殷薦至十五日而始徹拜中秋佳節賞月飲酒招邀親舊歡呼流連往往徹宵秋成後流寓之民治行滕而回籍土著之家販猪隻而貿易入此室處婦子相聚者蓋少矣

豫章之杞楠斯足紆

聖天子宵旰衣食念民艱鮮之

憂思矣名花珍禽舊志所列今不具備或載筆之過其實

歟娛耳目而悅心志要亦不足以深論也鐵硝尚旺

不昔若顧奸民或因之為利而爭訟繁興經各

大憲嚴檄飭諭至于再至于三聖明約束無滋擾害

是則良有司之責也夫志物產

穀類

黏穀 糯穀 包穀 粟 高粱 黃豆 菜豆

蕎麥 芝蔴 酥蔴 早穀 燕麥 蕨粉 葛根

蔬類

白菜 菁菜 油菜 芥菜 蕪荬菜 莧菜 芥菜

蔓菁 薑 蒜 葱 韭 薤 蘿蔔

蒿苳 冬瓜 西瓜 南瓜 苦瓜 王瓜 菜瓜

茄子 豇豆 蛾眉豆 刀豆 葫蘆 瓠子 茭苳

果類

梅 杏 桃 李 棗 梨 栗

核桃 枇杷 林檎 葡萄 石榴 木瓜 柿

柑 香櫟 香菌 苕 藕 茨菰 芋頭

芡實 白果

花類

牡丹 芍藥 海棠 蘭 玫瑰 映山紅 十姊妹

粉團 荷 芙蓉 菊 山丹 梔子 鳳仙

剪絨 繡毬 葵 薔薇 玉簪 鷄冠 桂

紫荊花 金銀花

木類

香楠 垂楊 梧桐 松 柏 杉 椿

柳 槐 檉 桑 楓 檮 黃楊

烏柏 冬青 檉 檉 棕 竹各種

藥材類

黃柏 黃連 黃精 厚樸 沙參 五倍子 五加皮

牛膝 當歸 防風 赤芍 葛根 紫蘇 白芷

花粉 梔仁 天冬 車前 蒼朮 桑寄生

雜產

茶 桐油 黃蠟 白蠟 蜂蜜 鐵礦 硝

煤炭

禽獸

狐狸 豺狼 猿猴 鹿 獐 麂 野豬
 豪猪 山羊 山驢 犴子 九截狸 松鼠 穿山甲
 鶴鷄 竹鷄 杜鵑 石舌 黃鸝 斑鳩 喜鵲
 麻雀 烏鴉 啄木 燕子 野鴨 鷹 鷄
 催生

建邑四山環合少晴日風亦時發無暴烈獨多雨重
 霧冬不甚寒雪鮮盈尺冰無堅厚夏亦不大熱伏天
 扇不停揮夜裸卧不覆衾總數日耳春後雖暖却有
 餘寒秋涼較早氣候與外間不同此據近城言之也

至峯巒高峻林木叢雜之處則夏不知暑冬陰即雪
 地凍折亭午冰乃融夕仍凝結沮洳泥淨汗人履襪
 春深始有乾土盖一邑之中其寒熱燥濕不同而所
 產物類亦多異云

藝文志

邑自昔少文人騷士又萬山亘互為賢士大夫車轍
 馬迹所不到故文藝甚焉網羅摭拾自有明以至
 本朝得詩文若干大抵皆流連景物懷人送別諸作無闕

紀事之大顧其篇什復寥寥也山陬僻壤少藉是為
 潤色之資若夫大筆濡染成宏富之卷帙是所望于

方來志藝文

重修文廟記

學校者人才所自出也我

皇上崇文重道雅意作人實於前代為度越而茲邑

聖廟殿宇摧頹圯墮趨拜於荒烟蔓草間是非有司之

責歟芳不敏竊大懼儒學蕪廢興慨子衿罔以稱

上德意且重益守土罪戾爰進諸生而詢之知邑原有

聖廟燬於明末兵燹我

朝康熙十二年邑侯譚君特為營造會幾何時蕭條若此

豈山陬僻壤遂為

聖靈陟降所不到而人文化成之盛事獨不可見於此

地耶夫三蘇之文章四陳之氣節蜀中人才昔曾照

耀寰宇矣茲固蜀疆而銅羅邛壩實維宋唐狀元邈

誕育之區訪水邱而問釣遊至今父老猶有能言其

地者可見人才不擇地而生而鼓舞培植之必有其

道也其不可不以